



卷一百三十

書名 史記一百三十卷 慶長
元和間古活字印本
撰者 漢 司馬遷 撰，劉宋
裴駟 集解，唐 司馬貞
索隱，唐 張守節 正義
卷 卷一百三十
內容分類 史-正史-分刻 史記
索書號 貴重-30
編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300

東洋文化研究所漢籍目錄所藏漢籍善本文影像資料庫 索書號: 貴重-30

漢籍善本文影像資料庫文本史記一百三十卷 慶長元和間古活字印本

版權所有: 東京大學 東洋文化研究所

使用上の注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

復淺近
補闕云

氏風姓代燧人氏繼天而王母曰

太史公自序傳第七十 史記一百三十

昔在顓頊命南正重以司天北正黎以司地

索隱曰張晏云南方陽也火水配也水為陰故命南方正重司天火正黎兼地職臣瓚以為重黎氏是司天地之官然司地者宜曰北正古文作此字非也案國語黎為火正以淳曜敦大光照四海又幽通賦云唐虞之際給黎淳曜於高辛則火正為是也

重黎之後使復興之至于夏商故重黎氏世

序天地其在周程伯休甫其後也應劭曰封

休甫字也索隱曰重同天而黎則地是代序天地也據左氏重是少昊之子黎乃顓頊



[Faint bleed-through text from the reverse side of the page, including characters like '三' and '不'.]

之胤二氏二正所出各別而史遷意欲合二氏為一故摠云在周程伯休甫其後非也然後按彪之序及于實皆云司馬氏黎之後是也今物稱伯休甫是重黎之後者非言地即舉天稱黎則非重自是相對之文其實二官亦通職然休甫則黎之後也亦是太史公欲以史為己任故言張代天官所以兼稱重耳○正義曰括地志云安陵故城在雍州咸陽東二十一里當周宣王時失其守而為司馬周之程邑也

氏 正義曰司馬處序云南止黎後世為司馬氏 司馬氏世典周史 索隱曰司馬夏官卿不掌國身是先代兼為史衛宏云司馬氏周史佚之後恐或有所據

惠襄之間司馬氏去周適晉 張晏曰周惠王襄王有子頽叔

帶之難故司馬氏奔晉 晉中軍隨會奔秦而司馬氏入

少梁 索隱曰左氏隨會自晉奔秦後乃奔魏自魏還晉故漢書云會奔秦魏也少梁

古梁國也秦滅之改曰少梁後名夏陽也○正義曰按春秋隨會奔秦其後自秦入魏而還晉也隨會為晉中軍將少梁古梁國也屬在在同州韓城縣南二十二里是時屬晉

自司馬氏去周適晉分散或在衛或在趙索隱

日何法盛晉書及司馬氏系本名凱或在秦其在衛者相中山

徐廣曰在趙者正義曰何法盛晉書及書譙名喜也王司馬無忌司馬氏孫本皆

云名凱以傳劔論顯曰服虔曰世善傳劔也蘇林

日史記吳起贊曰非信仁廉勇不能傳劍論
兵書也○索隱曰服虔云善劍解所以稱傳
也蘇林作搏言手
搏論而知名也
削贖其後也正義曰五怪反如淳云刺

客傳之
在秦者名錯與張儀爭論於是惠王
使錯將伐蜀遂拔因而守之蘇林曰錯孫靳郡守也

徐廣曰一作靳○索隱曰事武安君白起而
錯首七各反斬音紀豐反

少梁更名曰夏陽靳與武安君阤趙長平軍

文穎曰趙孝成時還而與之俱賜死杜郵索隱曰郵音尤李奇

日地名在咸陽西十里三秦記其地後改為里李也葬於華池晉灼曰地名在

鄠縣○索隱曰晉灼非也案司馬遷碑在夏
陽西北四里○正義曰括地志云華池在同

州韓城縣西南七十里靳孫昌昌為秦主鐵
在夏陽故城西北四里

官當始皇之時削贖玄孫印為武信君將徐廣

日張耳傳云武臣自號武信君○索隱曰按
晉諫國司馬無忌作司馬氏系本云削贖生

昭預昭預生而徇朝歌諸侯之相王王印於
憲憲生印也

殷索隱曰漢書云項漢之伐楚印歸漢以其
羽封印為殷王

地為河內郡昌生無澤索隱曰漢書作無澤

為漢市長無澤生喜喜為五大夫卒皆葬高

門蘇林曰長安北門也贊曰長安城無高門
○索隱曰蘇說非也案遷碑高門在夏陽
西北去華池三里○正義曰括地云高門原
俗名馬門原在同州韓城縣西南十九里漢
司馬遷墓在韓城縣南二十二里夏陽
縣故東南有司馬遷冢在高門原上也喜生
談談為太史公如淳曰漢儀註太史公武帝
置位在丞相上天下計書先
上太史公副上丞相序事如古春秋遷死後
宣帝以其官為令行太史公文書而已贊曰
百官表無太史公茂陵中書司馬談以太史
季為太史令○索隱曰公者遷所著書尊其
父云公也然遷雖稱述其父所作其實亦遷
之詞而如淳引衛宏儀註稱位在丞相上謬
矣按百官表又無其官且修史之官國家別
有著撰則令州縣所上國書皆先上之而後

人不曉誤以為在丞相上耳○正義曰虞喜
志林云古者主天官者皆上公自周至漢其
職轉卑然朝會坐位猶居公上尊天之道其
官屬仍以舊名尊而稱也按下文太史公既
掌天官不治民有子曰遷又云卒三歲而遷
為太史公又云太史公遭李陵之禍又云汝
復為太史則續吾祖矣觀此文虞喜說為長
乃書談及遷為大史公者皆遷自書之漢舊
儀云太史公秩二千石卒史皆秩二百石然
瓚及韋昭相譚之說皆非也以相譚之說釋
在武本太史公學天官於唐都正義曰天官
紀也書云星則唐
都受易於揚何徐廣曰習道論於黃子徐廣
也林傳曰黃生太史公仕於建元元封之間慙
好黃老之術

聚美隕切憂也
極也情也又傷也

學者之不達其意而師悖

正義曰布內反顏云悖惑也各習師

書或於乃論六家之要指曰易大傳

正義曰張晏云

謂易繫辭案下二句是繫辭文也

天下一致而百慮同歸而

殊塗夫陰陽儒墨名法道德此務為治者也

直所從言之異路有省不省耳

案隱曰案六家同歸於正

然所從之道殊塗學或有傳習者察或有不省之耳嘗竊觀陰陽之術

大祥徐廣曰一作詳駟案李奇曰日月令星官是其技業也○索隱曰漢書作大詳言

我親陰陽之術大詳今此作祥於義為踈○正義曰顧野王云祥善也吉凶之先見也

而眾忌諱使人拘而多所畏

正義曰言拘束於日時令人有

所忌然其序四時之大順不可失也儒者博

而寡要勞而少功是以其事難盡從然其序

君臣父子之禮列夫婦長幼之別不可易也

墨者

正義曰韋云墨翟之術也尚儉後有徐巢子傳其術也

儉而難遵

是以其事不可徧循

索隱曰徧音遍徧循言難盡用也然其

疆本節用不可廢也法家嚴而少息然其正

君臣上下之分不可改矣名家使人儉而善

失真

索隱曰劉向別錄云名家流出於禮官古者名位不同禮亦異數孔子曰必也

正名乎按名家知禮亦異數是儉也受命不受辭或失其真也然其正名實

不可不察也道家使人精神專一動合無形

瞻足萬物

索隱曰瞻音市豔反漢書作濟古今字異也

其為術也

因陰陽之大順采儒墨之善撮名法之要與

時遷移應物變化立俗施事無所不宜指約

而易操事少而功多儒者則不然以為人主

天下之儀表也主倡而臣和主先而臣隨如

此則主勞而臣逸至於大道之要去健羨

如

曰知雄守雌是去健也不見可欲使心不亂是去羨也

絀聰明

索隱曰如淳云

不尚賢絕聖弃智也釋此而任術夫神大用則竭形大

勞則敝形神騷動欲與天地長久非所聞也

夫陰陽四時八位十二度二十四節

張晏曰八位八

卦位也十二度十二次也二十四節就中氣也各有禁忌謂日月也各有教令

順之者昌逆之者不死則亡未必然也故曰

使人拘而多畏夫春生夏長秋收冬藏此天

道之大經也。弗順則無以為天下綱紀。故曰四時之大順不可失也。夫儒者以六藝為法。六藝經傳以千萬數。累世不能通其學。當年不能究其禮。故曰博而寡要。勞而少功。若夫列君臣父子之禮。序夫婦長幼之別。雖百家弗能易也。墨者亦尚堯舜道。言其德行曰堂高三尺。索隱曰自此已下韓子之文故稱曰也。土階三等。茅茨不剪。正義曰。屈蓋曰。采椽不刮。云采椽。棟接

也。正義曰。採取為椽。不刮削也。食土簋。徐廣曰一作摠。駟案服虔曰土簋用土作

此器。罍土刑。糲梁之食。張晏曰一斛粟七斗米為糲。罍曰五斗粟三斗

米為糲。音刺。韋昭曰糲。糲也。○索隱曰服虔云糲。糲米也。三蒼云梁好粟也。○正義曰糲

云蓋所以盛餅也。刑所以盛羹也。土謂燒土為之。即瓦器也。糲粗米也。脫粟也。梁粟也。謂

食脫粟之糲。藜藿之羹。正義曰藜似藿而夏曰藜。藿也。表赤藿豆葉也。夏日

葛衣。冬日鹿裘。其送死桐棺三寸。正義曰以桐木為棺

厚三寸也。舉音不盡其哀。教喪禮必以此為萬民

之率。使天下法若此。則尊卑無別也。夫世異



音律

時移事業不必同故曰儉而難遵要曰疆本
節用則人給家足之道也此墨子之所長雖
百家弗能廢也法家不別親疎不殊貴賤一
斷於法則親親尊尊之息絕矣索隱曰按禮
親親父為首
尊尊君為首也可以行一時之計而不可長用也故
曰嚴而少息若尊主卑臣明分職不得相踰
越雖百家弗能改也名家苛察繳繞繳音近
服虔曰
叫呼謂煩也○如傳曰繳
繞猶纏繞不通大體也使人不得及其意

專決於名而失人情故曰使人儉而善失真

若夫控名責實參伍不失晉灼曰引名責實
參錯交互明知事

情此不可不察也道家無為又曰無不為正義

曰無為者守清淨也無
不為者生育萬物也其實易行正義曰各
守其分故

易其辭難知正義曰幽深微
妙故難知也其術以虛無為

本以因循為用正義曰任
自然也無成勢無常形故

能究萬物之情不為物先不為物後韋服曰
因物為

制故能為萬物主有法無法因時為業正義
曰因

時之物成有度無度因物與合正義曰因其法為業萬物之形成

度與故曰聖人不朽時變是守索隱曰此出鬼谷子遷引

之以成其章故稱故曰也正義曰虛者道

言聖人教迹不朽滅者順時變化正義曰必以教唯執其綱而

之常也因者君之綱也正義曰言因百姓之

已羣臣並至使各自明也其實中其聲者謂

之端實不中其聲者謂之窳徐廣曰音款空也駟案李奇曰

聲別名也索隱曰窳空也申子云教言無成是也聲者名也以言實不稱其名則謂之

空空有聲也窳言不聽姦乃不生賢不肖自分白

黑乃形在所欲用耳何事不成乃合大道混

混冥冥正義曰上胡本反混混者元氣神者之貌也光耀天下復

反無名凡人所生者神也所託者形也神大

用則竭形大勞則敝形神離則死死者不可

復生離者不可復反故聖人重之由是觀之

神者生之本也形者生之具也韋昭曰聲氣者神也技體

也者形不先定其神而曰我有以治天下何由

哉太史公既掌天官不治民有子曰遷遷生

年
年

龍門

徐廣曰在馮翊夏陽縣朔案蘇林曰禹

所鑿者也龍門山在夏陽縣遷即漢夏陽縣

人也至唐改耕牧河山之陽正義曰河之北

龍門山萬十歲則誦古文索隱曰遷及事伏

書劉氏以為左傳國語系二十而南游江淮

上會稽探禹穴張晏曰禹巡狩至會稽而崩

入此穴○索隱曰越絕書云禹上茅山大會

計更名曰會稽張勃吳錄云本名苗山一名

覆釜禹會諸侯計功改曰會稽○正義曰括

地志云石箐山一名王笥山又名死委山即

會稽山一峯也在會稽縣東南十八里吳越

春秋云禹窆黃帝中經九山東南天柱號曰

宛委赤帝左闕之填萊以文玉覆以盤石其

書金簡青玉為字編以白銀皆琢其文禹乃

東巡登衡山血白馬以祭禹乃登山仰天而

笑怆然而卧夢見繡衣男子自稱玄夷倉水

使者却倚覆釜之山東顧謂禹曰欲得我山

神書者齊於黃帝之岳巖巖之下三季庚

闕窺古字

登山發石禹乃登宛委之山發石乃得金簡

玉字以水泉之脉山中又有一穴深不見底

謂之禹穴史遷云上會闕九疑索隱曰山海

稽探禹穴即此穴也闕九疑經云南方蒼

梧之丘蒼梧之泉在營道南其山九峯皆似

故曰九疑張晏云九疑舜葬故窺之尋上探

禹穴蓋以先聖所葬處有古冊文故探窺浮

之亦搜採遠矣○正義曰九疑山在道州浮

於沅湘正義曰沅水出朗州湘水出道州北東北入海北涉汶泗正義曰兩水出兗州

東北而南歷魯講業齊魯之都觀孔子之遺

風鄉射鄒嶧正義曰鄒縣各二十二里地近曲阜於

此行鄉射之禮兗困鄒正義曰地志云徐州滕縣

為魯相改音皮田襄魯記曰靈帝末汝南薛

子游為魯相陳蕃子也國人諱而改焉薛

彭城徐廣曰嶧音亦縣名有山也鄒音皮鄒

田襄魯記云靈帝末有汝南陳子游為魯相子游太尉陳蕃子也國人諱而改焉若如其

說則蕃改鄒鄒皮聲相近後漸訛耳然過梁

楚以歸於是遷仕為郎中奉使西征巴蜀以

南南略邛笮昆明還報命徐廣曰元鼎六年

郡明年元封元年是也是歲天子始建漢家之封而太

史公留滯周南徐廣曰擊虞曰古之周南今

陝已東皆周南之地也不得與從事正義曰故發憤且

率而子遷適使又見父於河洛之間太史公

執遷手而泣曰余先周室之太史也自上世

嘗顯功名於虞夏典天官事後世中衰絕於

略巡行也

不許複製

NOT TO BE REPRODUCED

東京大学東洋文化研究所

予乎汝復為太史則續吾祖矣今天子接千
歲之統封泰山而余不得從行是命也夫命
也夫余死汝必為太史為太史無忘吾所欲
論著矣且夫孝始於事親中於事君終於立
身揚名於後世以顯父母此孝之大者夫天
下稱誦周公言其能論歌文武之德宣周邵
之風達太王王季之思慮爰及公劉以尊后
稷也幽厲之後王道缺禮樂衰孔子脩舊起

廢論詩書作春秋則學者至今則之自獲麟

以來四百餘歲

案年表魯哀公十四年獲麟至漢元封元年三百七十一年

而諸侯相兼史記放絕今漢興海內一統

明主賢君忠臣死義之士余為太史而弗論

載廢天下之史文余甚懼焉汝其念哉遷俯

首流涕曰小子不敏請悉論先人所次舊聞

弗敢闕卒三歲而遷為太史令

索隱曰博物志太史令茂

陵顯武里大夫司馬年二十八

三年六月乙卯除六百石也 紬史記曰紬

音抽○索隱曰如淳云抽徹舊書故事而次述之小類云納謂綴集之也石室金

匱之書索隱曰案石室金匱皆國家藏書之處五年而當太初

元年李奇曰遷為太史後五年適當於武帝大初元年此時述史記○正義曰按遷

年四十一月甲子朔旦冬至天歷始改建

於明堂諸神受紀徐廣曰封禪則萬靈罔不禋祀案韋昭曰告於百

神與天下更始著紀於是○索隱曰虞喜志

赫云改歷於明堂班之於諸侯諸侯群神之

主故曰諸神受紀孟康云句芒祝融之屬皆受瑞紀也

太史公曰先人有言索隱曰先人謂先代賢人也○正義曰太史公

司馬遷也先自周公卒五百歲而有孔子孔

子卒後至於今五百歲索隱曰案孟子稱堯舜至湯五百餘歲湯

至文王五百餘歲文王至孔子五百餘歲太

史公此言略取於孟子而揚雄孫盛深所不

然所謂多見不知量也以爲淳氣育才豈有

常數五百之期何異一息是以上皇相次或

以萬齡爲間而唐堯舜禹比肩並列降及周

室聖賢盈朝孔子之沒千歲莫嗣安在於千

年五百年乎其述作者蓋記有能紹明世正

易傳繼春秋本詩書禮樂之際意在斯乎意

在斯乎小子何敢讓焉索隱曰漢書讓作讓音灼云此古讓字言

已當述先人之成業何敢上大夫壺遂曰索隱

自嫌值五百歲而讓之也日案遂為詹事秩二千石故位上大夫也昔孔子何為而作春秋

哉太史公曰余聞董生曰服虔曰仲舒也周道衰廢

孔子為魯司寇諸侯害之大夫壅之孔子知

言之不用道之不行也是非二百四十二年

之中索隱曰是非謂褒貶諸侯之得失也以為天下儀表照天

子退諸侯討大夫以達王事而已矣子曰我

欲載之空言不如見之於行事之深切著明

也索隱曰案孔子之言見春秋緯太史公引之以成說也空言謂褒貶是非也空立此

文而亂臣賊子懼也孔子言我徒欲立空言設褒貶則不如附見於當時所因事之人臣

有僭侈纂逆因就此筆而以褒貶深切著明而書之以為將來之誡也夫春秋

上明三王之道下辨人事之紀別嫌疑明是

非定猶豫善善惡惡索隱曰公羊傳曰善善及子孫惡惡止其身也

賢賢賤不肖存亡國繼絕世補敝起廢王道

之大者也易著天地陰陽四時五行故長於

變禮經紀人倫故長於行書記先王之事故

古作云當從

長於政詩記山川谿谷禽獸草木牝牡雌雄
故長於風樂樂所以立故長於和春秋辯是
非故長於治人是故禮以節人樂以發和書
以道事詩以達意易以道化春秋以道義撥
亂世反之正莫近於春秋春秋文成數萬其
指數千張晏曰春秋萬八千字當言成而指
成數字誤也駟謂太史公此辭是述
董生之言董仲舒自治公羊經傳凡四萬四
千餘字故云文成數萬也不得如張議但論
經萬八千字便為之誤○索隱曰註非也小
顏云遷豈以公羊之傳為春秋乎春秋經一

萬八千亦足稱數萬耳非字之誤也萬物之散衆皆在春秋春

秋之中弑君三十六亡國五十二諸侯奔走

不得保其社稷者不可勝數察其所以皆失

其本已索隱曰弑君亡國及奔走者皆是
失仁義之道本耳已者語終之辭故

易曰失之豪釐差以千里徐廣曰一云差以
毫釐繆以千里駟

案今易無此語易緯有之故曰臣弑君子弑父非一旦一

夕之故也其漸久矣故有國者不可以不知

春秋前有讒而弗見後有賊而不知為人臣

者不可以不知春秋守經事而不知其宜遭
變事而不知其權為人君父而不通於春秋
之義者必蒙首惡之名為人臣子而不通於
春秋之義者必陷篡弑之誅死罪之名其實
皆以為善為之不知其義正義曰其心實善
義理則故陷被之空言而不敢辭張晏曰趙
於罪咎也夫不通禮義之旨至於君不君臣
不臣父不父子不子君不君則犯正義曰顯
云為臣下

所干犯也一臣不臣則誅父不父則無道子

不子則不孝此四行者天下之大過也以天
下之大過予之則受而弗敢辭故春秋者禮
義之大宗也夫禮禁未然之前法施已然之
後法之所為用者易見而禮之所為禁者難
知知蓋遂曰孔子之時上無明君下不得任用
故作春秋垂空文以斷禮義當一王之法今
夫子上遇明天子下得守職萬事既具咸各

序其宜。夫子既論欲以何明。太史公曰：唯唯否否。晉灼曰：唯唯謙應也。否否不通者也。不然，余聞之先人曰：

伏羲至純厚，作易八卦，堯舜之盛，尚書載之。

禮樂作焉，湯武之隆，詩人歌之，春秋采善，與

惡，推三代之德，褒周室，非獨刺譏而已也。漢

興以來，至明天子，獲符瑞，封禪，改正朔，易服

色，受命於穆清。如傳曰：受天命清和之氣。正義曰：於音烏，顏云：於，歎辭也。穆，美也。言天子有美德而教化清也。

澤流罔極，海外殊俗，重

一本瑞字有

未

譯款塞

應邵曰：款，叩也。皆叩塞門來服從也。如淳曰：款，寬也。請除守塞者，自保不

為寇害。○正義曰：請求獻見者，不可勝道。臣重譯，更譯其言也。

下百官力誦聖德，猶不能宣盡其意。且士賢

能而不用，有國者之恥。主上明聖而德不布

聞，有司之過也。且余嘗掌其官，廢明聖盛德

不載，滅功臣世家賢大夫之業，不述，墮先人

所言罪莫大焉。余所謂述故事，整齊其世傳

非所謂作也。而君比之於春秋，謬矣。於是論

何也
隱也
也物也

次其文七年

徐廣曰天漢三年○正義曰按從太初元年至天漢三年乃七年

也而太史公遭李陵之禍

正義曰太史公舉李陵李陵降也

幽於縲紲乃喟焉而嘆曰是余之罪也夫是

余之罪也夫身毀不用矣退而深惟曰夫詩

書隱約者

索隱曰索謂其義隱微而言約也○正義曰詩書隱微而約省者遷

深唯欲依其隱約而成其志意也

欲遂其志之思也昔西伯

拘姜里

徐廣曰在湯陰

演周易孔子厄陳蔡作春秋

屈原放逐著離騷左丘失明厥有國語孫子

臏脚而論兵法不韋遷蜀世傳呂覽

正義曰即呂氏

春秋也

韓非囚秦說難孤憤詩三百篇大抵賢

聖發憤之所為作也此人皆意有所鬱結不

得通其道也故述往事思來者於是率述陶

唐以來至于麟止

張曰武帝獲麟遷以為述事之端上紀黃帝下至

麟止猶春秋止於獲麟也○索隱曰服虔云武帝至雍獲白麟而鑄金作麟足形故云麟

止遷作史記止於此猶春秋終於獲麟然也

史記以黃帝為首而云述陶唐者案五帝本紀贊云五帝尚矣然尚書載堯以來百家黃帝其文不雅訓故述黃帝為本紀之首而以

尚書推正故稱自黃帝始

維昔黃帝法天則地四聖遵序徐廣曰四聖謂項顓帝嚳

堯各成法度唐堯遜位虞舜不台索隱曰台音怡悅也

或音厥美帝功萬世載之作五帝本紀第一

索隱曰應劭云有本則紀有家則代有年則表有名則傳

維禹之功九州攸同光唐虞際德流苗裔夏

桀淫驕乃放鳴條作夏本紀第二

維契正義曰音薛也作商爰及成湯太甲居桐德盛

阿衡武丁得說乃稱高宗帝辛湛酒諸侯不

享作殷本紀第三

維棄作稷德盛西伯武王牧野實撫天下幽

厲昏亂既喪鄴鎬陵遲至赧洛邑不祀作周

本紀第四

維秦之先伯翳佐禹穆公思叢悼豪之旅索隱

曰豪即嶠之異音旅師旅也正義曰穆公封嶠山軍旅之凡以人為狗詩

歌黃鳥昭襄業帝作秦本紀第五

始皇既立并兼六國銷鋒鑄錄徐廣曰嚴安上書銷其兵

鑄以為鍾錄也○索隱曰錄音巨錄鍾也維偃干革尊號稱帝矜

武任力二世受運子嬰降虜作始皇本紀第

六

秦失其道豪傑並擾項梁業之子羽接之殺

慶救趙徐廣曰宋義為上將軍諸侯立之誅嬰背

懷天下非之作項羽本紀第七

子羽暴虐漢行功德憤發蜀漢還定三秦誅

籍業帝天下惟寧改制易俗作高祖本紀第

八

惠之早實正義曰音殞諸呂不台徐廣曰無台輔之德也一日怡

憚也不為百姓所說○索隱曰案此贊本韻則怡憚為是也崇彊祿產諸

侯謀之殺隱幽友徐廣曰趙隱王如意趙幽王友大臣洞疑

索隱曰洞是洞達義共所疑遂及宗禍作呂太后本紀第

九

漢既初興繼嗣不明迎王踐祚天下歸心獨

除肉刑開通關梁廣息博施厥稱太宗作孝
文本紀第十

諸侯驕恣吳首為亂京師行誅七國伏辜天
下翕然大安殷富作孝景本紀第十一

漢興五世隆在建元外攘夷狄內脩法度封
禪改正朔易服色作今上本紀第十二

維三代尚矣年紀不可考蓋取之譜牒舊聞
本于茲於是略推作三代世表第一

幽厲之後周室衰微諸侯專政春秋有所不
紀而譜牒經略五霸更盛衰欲睹周世相先
後之意作十二諸侯年表第二

春秋之後陪臣秉政疆國相王以至于秦率
并諸夏滅封地擅其號作六國年表第三

秦既暴虐楚人發難項氏遂亂漢乃扶義征
伐八年之間天下三擅事繁變衆故詳著秦
楚之際月表第四

漢興已來至于太初百年諸侯廢立分削譜
紀不明有司靡踵彊弱之原云以世徐廣曰一作云
已也天漢序曰啟義依霍庶幾云已○索隱
曰踵繼也以當作已世當作也並誤之耳云
已也皆語助之辭○正義曰言漢興已來百
年諸侯廢立分削譜紀不能明其嗣有司無
所踵繼其後乃云強弱之原云作漢興已來
以世相代相不能有所錄紀也

諸侯年表第五

維高祖元功輔臣股肱剖符而爵澤流苗裔
忘其昭穆或殺身隕國作高祖功臣侯者年

表第六

惠景之間維申功臣宗屬爵邑作惠景間侯
者年表第七

北討彊胡南誅勁越征伐夷蠻武功爰列作
建元以來侯者年表第八

諸侯既疆七國為從子弟衆多無爵封邑推
恩行義其勢銷弱德歸京師作王子侯者年
表第九

國有賢相良將民之師表也維見漢興以來將相名臣年表賢者記其治不賢者彰其事作漢興以來將相名臣年表第十

維三代之禮所損益各殊務然要以近情性通王道故禮因人質為之節文略協古今之變作禮書第一

樂者所以移風易俗也自雅頌聲興則已好鄭衛之音鄭衛之音所從來久矣人情之所

感遠俗則懷徐廣曰樂者所以感和人情人情既感則遠方殊俗莫不懷柔

化比樂書以述來古索隱曰來古即古來也言比樂書以述自古已

來樂之興表也作樂書第二

非兵不彊索隱曰此律書之贊而云非兵不彊者則此律書即兵書也古者師

出以律則凡出軍皆聽律聲故云聞律效勝負望敵知吉凶也非德不昌黃

帝湯武以興索隱曰黃帝有啟泉之師湯武有鳴條牧野之戰而克桀紂

桀紂二世以崩可不慎歟司馬法所從來尚

矣正義曰古者師出以律凡軍出皆吹律聽聲律書云六律為萬事根本其於兵械尤

所重望敵知吉凶聞聲做勝負
故云司馬兵法所從來尚矣
太公孫吳王

子徐廣曰王能結而明之切近世極入變作

律書第三

律居陰而治陽歷居陽而治陰律歷更相治

間不容翺忽索隱曰案忽者物文之微也翺者輕也言律曆窮陰陽之妙其

間不容輕忽也言翺恐衍字耳○正義曰翺

忽一蠶口出絲也言律歷相治之間不容比微細之物也五家之文悌異

索隱曰悌音悌一音扶物反悌亦悌也案言

金木水火土五家之文各相悌異不同也○



正義曰五家言黃帝顓頊夏殷周之歷其文

相戾乖異不同雖太初之元論歷律為是故

歷書自太初維太初之元論作歷書第四徐廣

之元論之也日論一作編

星氣之書多雜襍祥不經推其文考其應不

殊比集論其行事驗于軌度以次作天官書

第五

受命而王封禪之符罕徐廣曰一云荅應用用則萬

靈罔不裡祀追本諸神名山大川禮作封禪

襍 堅溪切音雜 祥也又崇也

書第六

維禹浚川九州攸寧爰及宣防決瀆通溝作河渠書第七

維幣之行索隱曰幣錢也以通農商其極則玩巧并

蕪茲索隱曰玩音五官反巧音苦孝反殖爭於機利去本趨

末作平準書以觀事變第八

太伯避歷江蠻是適文武攸興古公王跡闔

廬弒僚賓服荆楚夫差克齊子胥鳴夷信部

親越吳國既滅嘉伯之讓作吳世家第一

申呂肖矣徐廣曰肖音痛痛猶衰微○索隱曰徐廣音訓不知從出案肖謂微

弱而肖少所謂申呂雖衰也○正義曰肖音痛呂尚之祖封於申申呂後痛微故尚父微

也尚父側微蚤歸西伯文武是師功冠羣公

縲權于幽徐廣曰縲錯也猶云纏結也權智潛謀幽昧不顯所謂太公陰謀○

索隱曰縲謂綢縲也音亡又反謂太公縲網為權謀於幽昧不明著也○正義曰縲音武

處反言呂尚縲於幽權之策謂六韜三略陰扶七術之屬番番黃髮番音婆毛

黃髮言老人髮白而更黃爰饗營丘不背柯

盟桓公以昌九合諸侯霸功顯彰田闢爭寵
姜姓解亡徐廣曰關一云監解一作遷嘉父之謀作齊太
公世家第二

依之違之周公綏之憤發文德天下和之輔
翼成王諸侯宗周隱桓之際是獨何哉三桓
爭彊魯乃不昌嘉且金滕作周公世家第三
武王克紂天下未協而崩成王既幼管蔡疑
之淮夷叛之於是召公率德安集王室以寧

東土燕易之禪乃成禍亂索隱曰謂王曾禪其相子之後卒危

亂也嘉甘棠之詩作燕世家第四

管蔡相武庚將寧舊商及且攝政二叔不饗

殺鮮放度索隱曰案系家云管叔名鮮蔡叔名處也周公為

盟大任十子周以宗彊索隱曰大任文王妃十子伯邑考武王管

蔡霍魯衛毛嘉仲悔過正義曰蔡叔度作管

蔡世家第五

王後不絕舜禹是說維德休明苗裔蒙烈百

世享祀爰周陳杞楚實滅之齊田既起舜何人哉作陳杞世家第六

收殷餘民叔封始邑申以商亂酒材是告及

朔之生衛傾不寧索隱曰衛傾公也南子惡蒯聩子

父易名周德卑微戰國既疆衛以小弱角獨

後亡嘉彼康誥作衛世家第七

嗟箕子乎嗟箕子乎正言不用乃反為奴武

庚既死周封微子襄公傷於泓正義曰泓水名公羊傳云

宋與楚人期戰於泓之陽宋師大敗君子大其不鼓不成列臨大事而不忘禮雖文王之

戰亦不適此也君子孰稱景公謙德熒惑退行剔成

暴虐徐廣曰一云偃宋剔成君宋乃滅亡嘉

微子問大師作宋世家第八

武王既崩叔虞邑唐君子譏名正義曰謂晉穆侯太子名

仇少子名卒滅武公纒姬之愛亂者五世重

耳不得意乃能成霸六卿專權正義曰晉伯范中行韓魏

趙晉國以耗嘉文公錫珪鬯作晉世家第九

重黎業之具回接之殷之季世粥子牒之周

用熊繹熊渠是續莊王之賢乃復國陳正義曰楚

莊王既救鄭伯班師華元懷王客死蘭咎屈

原好諛信讒楚并於秦嘉莊王之歲作楚世

家第十

少康之子實賓南海正義曰吳越春秋云啓使歲時祭禹於越立宗

廟甬山之上封少康庶子無餘於越使祠禹而勾踐遷都山陰立禹廟為始祖廟越亡遂

廢也案今禹廟在會稽山下文身斷髮黿鱓與處索隱曰黿音元

鱓音既守封禺徐廣曰封禺山在武康縣南奉禹之祀句

踐困彼乃用種蠶嘉句踐夷蠻能修其德滅

彊吳以尊周室作越王句踐世家第十一

桓公之東太史是庸及侵周禾王人是議祭

仲要盟鄭久不昌子產之仁給世稱賢三晉

侵伐鄭納於韓嘉厲公納惠王作鄭世家第

十二

維驥騮耳乃章造父趙夙事獻衰續厥緒正義

曰長卷
為反

佐文尊王卒為晉輔襄子困辱乃禽

智伯主父生縛餓死探爵王遷辟溪良將是
斥嘉鞅討周亂作趙世家第十三

畢萬爵魏卜人知之及絳戮干戎翟和之文

侯慕義子夏師之惠王自矜齊秦攻之既疑

信陵諸侯罷之卒亡大梁王假廝之嘉武佐

晉文申霸道作魏世家第十四

韓厥陰德趙武攸與紹絕立廢晉人宗之昭

侯顯列申子庸之疑非不信秦人襲之嘉厥

輔晉匡周天子之賦作韓世家第十五

完子避難適齊為援陰施五世齊人歌之成

子得政田和為侯王建動心乃遷于共嘉威

宣能撥濁世而獨宗周作田敬仲完世家第

十六

周室既衰諸侯恣行仲尼悼禮廢樂崩追脩

經術以達王道匡亂世反之於正見其文辭

為天下制儀法垂六軌之統紀於後世作孔子世家第十七

桀紂失其道而湯武作周失其道而春秋作

正義曰周失其道至秦之時諸侯力事爭強秦失其政而陳涉發

迹諸侯作難風起雲蒸率亡秦族天下之端

自涉發難作陳涉世家第十八

成臯之臺薄氏始基謫意適代厥崇諸竇栗

姬價貴王氏乃遂陳后太驕率尊子夫嘉夫

價貴王氏

德若斯作外戚世家第十九

漢既譎謀禽信於陳越荆剽輕乃封弟交為

楚王爰都彭城以強淮泗為漢宗藩戊溺於

邪禮復紹之嘉游輔祖正義曰游楚王文作字也相高祖也作

楚元王世家第二十

維祖師旅劉賈是與為布所襲喪其荆吳營

陵激呂乃王琅邪林午正義曰謂祝午也信齊往而

不歸遂西入關遭立孝文獲復王燕天下未

集賈澤以族為漢藩輔作荆燕世家第二十一

天下已平親屬既寡悼惠先壯實鎮東土哀王擅興發怒諸呂駟鈞暴戾京師弗許厲之內浮禍成主父嘉肥股肱作齊悼惠王世家第二十二

楚人圍我滎陽相守三年蕭何填撫山西正義日謂華山之西也推計踵兵給糧食不絕使百姓愛

漢不樂為楚作蕭相國世家第二十三

與信定魏破趙拔齊遂弱楚人續何相國不變不革黎庶攸寧嘉參不伐功矜能作曹相國世家第二十四

運籌帷幄之中制勝於無形子房計謀其事無知名無勇功圖難於易為大於細作留侯世家第二十五

六奇既用諸侯賓從於漢呂氏之事平為本

謀終安宗廟定社稷作陳丞相世家第二十

六

諸呂為從謀弱京師而勃反經合於權吳楚之兵亞夫駐於昌邑以危齊趙而出委以梁作絳侯世家第二十七

七國叛逆蕃屏京師唯梁為扞負愛矜功幾獲于禍嘉其能距吳楚作梁孝王世家第二

十八

五宗既王親屬洽和諸侯大小為藩爰得其宜僭擬之事稍衰貶矣作五宗世家第二十九

三子之王文辭可觀作三王世家第三十末世爭利維彼奔義讓國餓死天下稱之作伯夷列傳第一

晏子儉矣夷吾則奢齊桓以霸景公以治作管晏列傳第二

誰又給也繫也書
兼有日必以誰字
發之亦取紀年繫
句之矣

揣楚季切吹上
度也武也學也
薛也揣再也又
度高下曰揣

李耳無為自化清淨自正韓非揣事情循勢
理作老子韓非列傳第三

自古王者而有司馬法穰苴能申明之作司
馬穰苴列傳第四

非信廉仁勇不能傳兵論劔與道同符內可
以治身外可以應變君子比德焉作孫子吳

起列傳第五

維建遇讒爰及子奢尚既匡父伍負奔吳作

伍子胥列傳第六

孔氏述文弟子興業咸為師傳崇仁厲義作

仲尼弟子列傳第七

鞅去衛適秦能明其術彊霸孝公後世遵其

法作商君列傳第八

天下患衡秦毋饜而蘇子能存諸侯約從以

抑貪彊作蘇秦列傳第九

六國既從親而張儀能明其說復散解諸侯

作張儀列傳第十

秦所以東攘

徐廣曰一作襄

雄諸侯擣里甘茂之策

作擣里甘茂列傳第十一

苞河山

徐廣曰苞一作施

圍大梁使諸侯歛手而事

秦者魏冉之功作穰侯列傳第十二

南拔鄢郢北摧長平遂圍邯鄲武安為率破

荆滅趙王翦之計作白起王翦列傳第十三

獵儒墨之遺文明禮義之統紀絕惠王利端

列往世興衰

徐廣曰一作壞

作孟子荀卿列傳第十

四

好客喜士士歸于薛為齊扞楚魏作孟嘗君

列傳第十五

爭馮亭以權

徐廣曰以一作反太史公譏平原曰利令智昏故云爭馮亭反

權如楚以救邯鄲之圍使其君復稱於諸侯

作平原君虞卿列傳第十六

能以富貴下貧賤賢能訟於不肖唯信陵君

論與詒
同

為能行之作魏公子列傳第十七
以身徇君遂脫彊秦使馳說之士南鄉走楚
者黃歇之義作春申君列傳第十八

能忍詢於魏齊徐廣曰詢音逆○索隱曰詢音次侯反詢辱也而信

威於彊秦推賢讓位二子有之作范雎蔡澤

列傳第十九

率行其謀連五國兵為弱燕報彊齊之讎雪
其先君之恥作樂毅列傳第二十

能信意彊秦而屈體庶子用徇其君俱重於

諸侯作廉頗藺相如列傳第二十一

潛王既失臨淄而奔莒唯田單用即墨破走

騎劫遂存齊社稷作田單列傳第二十二

能設詭說解患於圍城輕爵祿樂肆志作魯

仲連鄒陽列傳第二十三

作辭以諷諫連類以爭義離騷有之作屈原

賈生列傳第二十四

結子楚親使諸侯之士斐然爭入專秦作呂
不韋列傳第二十五

曹子也首曾獲其田齊明其信豫讓義不為
二心作刺客列傳第二十六

能明其畫因時推秦遂得意於海內斯為謀
首作李斯列傳第二十七

為秦開地益眾北靡匈奴據河為塞因山為
固建榆中作蒙恬列傳第二十八

填趙塞常山以廣河內弱楚權明漢王之信
於天下作張耳陳餘列傳第二十九

收西河上黨之兵從至彭城越之侵掠梁地
以告項羽作魏豹彭越列傳第三十

以淮南叛楚歸漢漢用得大司馬啟率破子
羽于陔下徐廣曰堤塘之名也作黥布列傳第三十一

楚人迫我京索而信拔魏趙定燕齊使漢三
分天下有其二以滅項籍作淮陰侯列傳第

楚漢相距鞏洛而韓信為填潁川盧縮絕籍糧餉作韓信盧縮列傳第三十三

諸侯畔項王唯齊連子羽城陽漢得以間遂入彭城作田儋列傳第三十四

攻城野戰獲功歸報會商有力焉非獨鞭策又與之脫難作樊鄴列傳第三十五

漢既初定文理未明倉為主計整齊度量序

律歷作張丞相列傳第三十六

結言通使約懷諸侯諸侯咸親歸漢為藩輔

作酈生陸賈列傳第三十七

欲詳知秦楚之事唯周繆常從高祖平定諸

侯作傳靳蒯成列傳第三十八索隱曰蒯音裴其字從崩

邑又音浮從彊族都關中和約匈奴明朝廷禮次

宗廟儀法作劉敬叔孫通列傳第三十九

能摧剛作柔率為列臣藥公不劫於勢而倍

從

死作季布欒布列傳第四十

敢犯顏色以達主義不顧其身為國家樹長

畫作袁盎朝錯列傳第四十一

守法不失大理言古賢人增主之明作張釋

之馮唐列傳第四十二

敦厚慈孝訥於言敏於行務在鞠躬君子長

者作萬石張叔列傳第四十三

守節切直義足以言廉行足以厲賢任重權

不可以非理撓作田叔列傳第四十四

扁鵲言醫為方者宗守數精明後世修序弗

能易也而倉公可謂近之矣作扁鵲倉公列

傳第四十五

維仲之省

徐廣曰吳王之王由父省

厥滯王吳遭漢初定

以填撫江淮之間作吳王濞列傳第四十六

吳楚為亂宗屬唯嬰賢而喜士士鄉之率師

抗山東棗陽作魏其武安列傳第四十七

智足以應近世之變寬足用得人作韓長孺
列傳第四十八

勇於當敵仁愛士卒誦令不煩師徒鄉之作
李將軍列傳第四十九

自三代以來匈奴常為中國患害欲知疆弱
之時設備征討作匈奴列傳第五十

直曲塞廣河南破祁連通西國靡北胡作衛
將軍驃騎列傳第五十一

大臣宗室以侈靡相高唯弘用節衣食為百
吏先作平津侯列傳第五十二

漢既平中國而佗能集揚越以保南藩納貢
職作南越列傳第五十三

吳之叛逆甌人斬淩徐廣曰今之永寧是東甌也葆守封
禺為臣索隱曰葆音保言東甌被越攻破之後保封禺之山今在武康縣也作

東越列傳第五十四

燕丹散亂遼間滿收其亡民厥聚海東以集

真藩

徐廣曰一作莫藩音普寒反

葆塞為外臣作朝鮮列

傳第五十五

唐蒙使略通夜郎而邛笮之君請為內臣受
吏作西南夷列傳第五十六

子虛之事大人賦說靡麗多誇然其指風諫
歸於無為作司馬相如列傳第五十七

黥布叛逆子長國之以填江淮之南安剽楚
庶民作淮南衡山列傳第五十八

奉法循理之吏不伐功矜能百姓無稱亦無
過行作循吏列傳第五十九

正衣冠立於朝廷而羣臣莫敢言浮說長孺
矜焉好薦人稱長者壯有慨徐廣曰作汲鄭

列傳第六十

自孔子至京師莫崇序唯建元元狩之間
文辭粲如也作儒林列傳第六十一

民倍本多巧斲執弄法善人不能化唯一切

嚴削為能齊之作酷吏列傳第六十二

漢既通使大夏而西極遠蠻引領內鄉欲觀

中國作大宛列傳第六十三

救人於危振人不贍仁者有乎不既信

廣徐

云不

慨信不信言義者有取焉作游俠列傳第六

十四

夫事人君能說主耳目和主顏色而獲親近

非獨色愛能亦各有所長作佞幸列傳第六

十五

不流世俗不爭勢利上下無所凝滯人莫之

害以道之用作滑稽列傳第六十六

齊楚秦趙為日者各有俗

索隱曰按日者傳亡無以知諸國之

俗今褚先生唯記司馬季主之事也

所用欲循

徐廣曰觀其大

旨作日者列傳第六十七

三王不同龜四夷各異卜

索隱曰其書既亡無以知其異今褚

少孫唯取太卜占龜之雜說詞甚煩蕪不能裁剪妄加穿鑿此篇不才之甚也然各

以決吉凶略闕其要作龜策列傳第六十八
布衣匹夫之人不害於政不妨百姓取與以
時而息財富智者有采焉作貨殖列傳第六
十九

維我漢繼五帝末流接三代統業周道廢秦
撥去古文焚滅詩書故明堂石室金匱玉版
如淳曰刻玉版以為文字圖籍散亂於是漢興蕭何次律
令韓信申軍法張蒼為章程如淳曰章程數

權衡丈尺斛斗之平法也瓚曰茂陵書丞相為工用程數其中言百工用材多少之量及制度之程品者是也叔孫通定禮儀則文學彬彬稍進

詩書往往間出矣自曹參薦蓋公言黃老索隱曰蓋姓也音古盍反而賈生晁錯明申商公孫弘以儒

顯百年之間天下遺文古事靡不畢集太史公太史公仍父子相續纂其職曰於戲余維先人嘗掌斯事顯於唐虞至于周復典之故司馬氏世主天官索隱曰案此天官非周禮冢宰天官乃廣知天文星

曆之事天官且遷實黎之後而黎氏後亦摠
稱重黎以重本曰天故太史公代掌天官蓋
天官統太史之職言史是歷代之職恐非實
事然衛宏以為司馬氏周史佚之後故太史
談云予之先人周之至於余乎欽念哉欽念
太史蓋或得其實也
哉罔羅天下放失舊聞索隱曰案舊聞有遺失放逸者網羅而考
論王迹所興原始察終見盛觀衰論考之行
事略推三代錄秦漢上記軒轅下至于茲著
十二本紀既科條之矣並時異世年差不明
作十表索隱曰案並時則年曆差殊則年曆差殊禮樂損

益律歷改易兵權山川鬼神索隱曰案兵權

之後亡楮少孫以律書補之今律書亦略言兵也山川即河渠書也鬼神即封禪書也故

云山川鬼神也天人之際承啟通變作八書二十八

宿環北辰三十輻共一轂漢書音義曰象黃帝已下三十世家

老子言車三十輻運行無窮以象王者如此也○正義曰顏云此說非也言眾星共繞北

辰諸輻咸歸車群運行無窮輔拂股肱之臣

配焉忠信行道以奉主上作三十世家扶義

傲儻不令已失時立功名於天下索隱曰已音紀言共

義個儼之士能立功名於當代不後於時也作七十列傳凡百三

十篇五十二萬六千五百字為大史公書序

索隱曰桓譚云遷所著書成以示東方朔朔皆署曰太史公則謂太史公是朔稱亦恐其說未實蓋遷自尊其父著述稱之曰公略以或云遷外孫揚惲所稱事或當爾也

拾遺補藝李奇曰六藝也○索隱曰漢書作補闕此作藝謂補六藝之闕也

成一家之言厥協六經異傳索隱曰遷言以所撰取協於經

異傳諸家之說耳謙不敢比經藝也異傳者如子夏易傳毛公詩及韓嬰外傳伏生尚書大傳之統者也整齊百家雜語正義曰太史公撰史記言其協于六經異

也文整齊諸子百家雜說之語謙不敢比經藝也異傳謂如丘明春秋外傳國語子夏易傳

毛公詩傳韓詩外傳伏藏之名山副在京師

索隱曰言正本藏之書府副本留京師也穆天子傳云天子北征至于群玉之山河平無

險四徽中繩先王所謂策府郭璞云古侯後帝王藏策之府則此謂藏之名山是也

世聖人君子索隱曰此語出公羊傳言夫子制春秋之義以俟後聖君子以

君子之為亦第七十衛宏漢書舊儀注曰司有樂乎此也馬遷作景帝本紀極言

其短及武帝過武帝怒而削去之後坐舉李陵陵降匈奴故下遷蠶室有怨言下獄死

太史公曰余述歷黃帝以來至太初而訖百

三十篇漢書有義曰十篇缺有錄無書張晏曰遷沒之後亡景紀武紀禮書樂書律書漢典已來將相年表日者列傳三王世家龜策列傳傳斬刑列傳元成之間褚先生補缺作武帝紀三王世家龜策日者列傳言辭鄙陋非遷本意也○索隱曰案景紀取班書補之武紀專取封禪書禮書取荀卿禮論樂書取禮樂記兵書亡不補略述律而言兵遂分曆述以次之三王系家空取其策文以續此篇何率略且重非常也日者不能記諸國之同異而論司馬季主龜策直太卜所得占龜兆雜說而無筆削功何燕鄙也

索隱述贊曰

太史良才 寔慕先德 周遊歷覽


東西南北 事覈詞簡 是稱實錄

報任投書 由李下獄 惜哉殘飲

非才妄續

太史公自序第七十

史記一百三十



不 許 複 製
NOT TO BE REPRODUCED
東京大学東洋文化研究所